

## სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

### ხელშეკრულება № სშ სახელმწიფო შესყიდვის შესახებ (აუქციონის გარეშე ელექტრონული ტენდერი- ) (CPV-50413200)

ერთი მხრივ, **სსიპ-საქართველოს ეროვნული არქივი** (შემდგომში-შემსყიდველი), წარმოდგენილი მისი გენერალური დირექტორის **თეონა იაშვილის** სახით და მეორე მხრივ, ----- (შემდგომში-მიმწოდებელი) წარმოდგენილი -----სახით, მეორეს მხრივ, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის, „სახელმწიფო შესყიდვების შესახებ“ საქართველოს კანონის, ამავე კანონის მე-16<sup>1</sup> მუხლის პირველი პუნქტის შესაბამისად, ვდებთ წინამდებარე ხელშეკრულებას.

#### 1. ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1. „**ხელშეკრულება სახელმწიფო შესყიდვის შესახებ**“ (შემდგომში-„ხელშეკრულება“-) შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს);
- 1.2. „**ხელშეკრულების ღირებულება**“-საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „**დღე**“, „**კვირა**“, „**თვე**“ - კალენდარული დღე, კვირა, თვე;
- 1.4. „**შემსყიდველი**“-ორგანიზაცია, რომელიც ახორციელებს შესყიდვას;
- 1.5. „**მიმწოდებელი**“-პირი, რომელიც უწევს მომსახურებას შემსყიდველს ამ ხელშეკრულების ფარგლებში;
- 1.6. „**მომსახურება**“-ხელშეკრულების მე-2 მუხლით გათვალისწინებული მომსახურება;
- 1.7. „**ინსპექტირება**“- ხელშეკრულების პირობების შესრულების კონტროლი და ზედამხედველობა.

#### 2. ხელშეკრულების საგანი

**ხანძარსაწინააღმდეგო მოწყობილობის (ცეცხლმაქრების გადამუხტვა) ტექნიკური მომსახურების სახელმწიფო შესყიდვა, სატენდერო დოკუმენტაციის, ხელშეკრულების პირობებისა და №1 და №2 დანართების შესაბამისად**  
(CPV- 50413200)

#### 3. ხელშეკრულების ღირებულება

- 3.1. ხელშეკრულების ღირებულება შეადგენს - ---- (-----) **ლარს, დღე-ის გათვალისწინებით;**
- 3.2. ხელშეკრულების ღირებულება მომსახურების ღირებულების გარდა, ასევე მოიცავს მიმწოდებლის მიერ წინამდებარე ხელშეკრულების შესრულებასთან დაკავშირებით გაწეულ ყველა ხარჯს და საქართველოს კანონმდებლობით გათვალისწინებულ გადასახადებს;
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს ხელშეკრულების ჯამური ღირებულების 10 % .

#### 4. მხარეთა ვალდებულებები

##### 4.1. მიმწოდებელი ვალდებულია:

- ა) უზრუნველყოს წინამდებარე ხელშეკრულების მე-2 მუხლით გათვალისწინებული **ხანძარსაწინააღმდეგო მოწყობილობის (ცეცხლმაქრების გადამუხტვა) ტექნიკური მომსახურების გაწევა** №1 და №2 დანართების შესაბამისად, რომლებიც წარმოადგენს ამ ხელშეკრულების განუყოფელ ნაწილს და განიხილება მასთან ერთად. შესყიდვის ობიექტი მოიცავს, №1 და №2 დანართებით განსაზღვრული ხელის ცეცხლმაქრების წაღებას გადასამუხტად, შემოწმებას, შეკეთებას (საჭიროების შემთხვევაში), საწყის ადგილზე დაბრუნებას, გამართვას/მონტაჟს).
- ბ) მიმწოდებელმა მომსახურების გაწევის პერიოდში, უნდა უზრუნველყოს დანართი №2-ით განსაზღვრული შენობების შესაბამისი ცეცხლმაქრებით აღჭურვა;
- გ) იმ შემთხვევაში თუ არსებულ დასამუხტ ცეცხლმაქრებს არ გააჩნია გამგრძეველი ძაბრი ან/და მილი მიმწოდებელი ვალდებულია საკუთარი სახსრებით უზრუნველყოს მისი შეკეთება. აგრეთვე მიმწოდებელი ვალდებულია უზრუნველყოს გადასამუხტი ხელის ცეცხლმაქრების წაღება გადასამუხტად, შემოწმება, საწყის ადგილზე დაბრუნება, გამართვა/მონტაჟი;
- დ) უზრუნველყოს ყოველ გადასამუხტულ მოწყობილობაზე ცეცხლმაქრზე სტიკერის მიკვრა გადასამუხტვის თარიღით;
- ე) დასამუხტი და დამუხტული ცეცხლმაქრების ტრანსპორტირება უნდა განხორციელდეს მომწოდებლის მიერ, მისივე ხარჯით;
- ვ) **უზრუნველყოს შესყიდვის ობიექტის მიწოდება, ხელშეკრულების ძალაში შესვლის თარიღიდან -- ვადაში.**
- ზ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- თ) განახორციელოს ამ ხელშეკრულებით მასზე დაკისრებული სხვა ვალდებულებები.

##### 4.2. შემსყიდველი ვალდებულია:

- ა) უზრუნველყოს მიწოდებული მომსახურების ინსპექტირება და დადებითი შეფასების შემთხვევაში მისი მიღება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

## **5. მომსახურების ხარისხი და გარანტია**

- 5.1.** მომსახურების ხარისხი უნდა შეესაბამებოდეს ამ სფეროში დადგენილ სტანდარტებს და დანართი №1-ში აღნიშნულ მაჩვენებლებს;
- 5.2.** გადამუხტული ბალონების საგარანტიო ვადა შეადგენდეს საბოლოო მიღება-ჩაბარების აქტის გაფორმებიდან ----(-----) წელს. ყოველ გადამუხტულ ცეცხლმაქრს უნდა ქონდეს დაკრული სტიკერი, გადამუხტვის თარიღით.

## **6. ხელშეკრულების შესრულების კონტროლი**

- 6.1.** შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად;
- 6.2.** ინსპექტირებას განახორციელებს/ენ სსიპ-საქართველოს ეროვნული არქივის ინფრასტრუქტურის განვითარების სამსახურის უფროსი, ილია ლომიძე და ტექნიკური და შრომის უსაფრთხოების მენეჯერი - არჩილ გელაშვილი ან/და მათი მოვალეობის შემსრულებლები;
- 6.3.** შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული მომსახურება, მიმწოდებელი ვალდებულია წერილობითი შეტყობინებიდან 2(ორი) დღეში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს წუნდებული მომსახურების ღირებულება;
- 6.4.** თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას და შემსყიდველის მიერ გადახდილია წუნდებული მომსახურების ღირებულება, მიმწოდებლის მიერ წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს საგარანტიო ვადის გასვლამდე.

## **7. მომსახურების მიღება-ჩაბარების წესი**

მომსახურების მიღება წარმოებს მიღება-ჩაბარების აქტის (მათ შორის შუალედური) სახით. მიღება-ჩაბარების აქტი (მათ შორის შუალედური) ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ფაქტობრივად მიწოდებული მომსახურების შესაბამისად, კონტროლის განმახორციელებელი პირის მიერ შედგენილი დადებითი ინსპექტირების დასკვნის საფუძველზე.

## **8. ანგარიშსწორება**

### **8.1. ანგარიშსწორება განხორციელდება შემდეგი პირობებით:**

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;
- გ) **დაფინანსების წყარო: 2022 წლის საკუთარი შემოსავლები.**

**8.2.** შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის (მათ შორის შუალედური) გაფორმებიდან და შემსყიდველის მიერ, საქართველოს საგადასახადო კანონმდებლობით გათვალისწინებული შესაბამისი. საგადასახადო ანგარიშგაქტურის დადასტურებიდან 10 (ათი) სამუშაო დღის განმავლობაში;

**8.3.** შემსყიდველი უფლებამოსილია, ხოლო მიმწოდებელი თანახმაა ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში), გამოქვითოს ყოველი მიღება-ჩაბარების აქტის საფუძველზე, მიმწოდებელზე გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდზე.

## **9. ხელშეკრულების შესრულების შეფერხება**

**9.1.** ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

**9.2.** იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

## **10. ხელშეკრულების პირობების შეუსრულებლობა**

**10.1.** წინამდებარე ხელშეკრულების 4.1 პუნქტის „ა“ ქვეპუნქტის დანართი №1-ით გათვალისწინებული მომსახურების მიწოდების ვადების ან/და პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით;

**10.2.** წინამდებარე ხელშეკრულების 6.3 ქვეპუნქტით განსაზღვრული ვადების გადაცილების შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02 %-ის ოდენობით;

**10.3.** წინამდებარე ხელშეკრულების 8.2 პუნქტით განსაზღვრული ვადების ან/და პირობების დარღვევის შემთხვევაში, მიმწოდებელი უფლებამოსილია შემსყიდველს დააკისროს პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით;

**10.4.** იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;

**10.5.** პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## **11. ხელშეკრულებაში ცვლილებების შეტანა**

**11.1.** ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით;

**11.2.** თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## **12. დავების გადაწყვეტა**

**12.1.** ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით;

**12.2.** თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს ქ. თბილისის საქალაქო სასამართლოს.

## **13. ხელშეკრულების შეწყვეტა**

**13.1.** შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში;

**13.2.** ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან;

**13.3.** ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

## **14. ხელშეკრულების მოქმედების ვადა**

ხელშეკრულება ძალაში შედის მხარეთა ხელმოწერის თარიღიდან და მოქმედებს 2022 წლის 31 დეკემბრის ჩათვლით, ხოლო საგარანტიო ნაწილში 5.2 პუნქტით განსაზღვრული ვადით.

## **15. ფორს-მაჟორი**

**15.1.** წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით;

**15.2.** ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საკუთარი შემოსავლების მკვეთრი შემცირებით და სხვა.

**15.3.** მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

## **16. სხვა პირობები**

ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების მოთხოვნის შესაბამისად.

## **17. მხარეთა რეკვიზიტები**

**შემსყიდველი**

**მიმწოდებელი**

